

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбјеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-167-41/19

Datum: 27.01.2022.godine

Na osnovu člana 49. alineja 5) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ br. 59/07 i 59/09) (u daljem tekstu: Okvirni zakon), u postupku akreditacije visokoškolske ustanove **Internacionalni univerzitet, Brčko distrikt BiH**, a na osnovu mišljenja Komisije stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljem tekstu: Komisija stručnjaka) nadležnom obrazovnom organu, direktor Agencije za razvoj visokog obrazovanja i osiguranje kvaliteta daje:

PREPORUKU
o akreditaciji visokoškolske ustanove Internacionalni univerzitet, Brčko distrikt BiH

O b r a z l o ž e n j e

Agencija za razvoj visokog obrazovanja i osiguranje kvaliteta BiH (u daljem tekstu: Agencija) zaprimila je od strane Odjeljenja za obrazovanje u Vladi Brčko distrikta BiH dana 08.04.2019.godine Prijedlog za imenovanje Komisije stručnjaka i protokolisala ga pod brojem: 05-33-1-167-1. Uz Prijedlog je dostavljen zahtjev za akreditaciju Internacionalnog univerziteta, Brčko distrikt BiH, Samoevaluacioni izvještaj ustanove i ostala dokumentacija iz člana 14. Pravilnika o akreditaciji visokoškolskih ustanova i studijskih programa u Brčko distriktu BiH. Uvidom u dostavljeni Samoevaluacioni izvještaj Internacionalnog univerziteta, Brčko distrikt BiH utvrđeno je da je izrađen u skladu sa Odlukom o kriterijima za akreditaciju visokoškolskih ustanova iz 2010.godine, koja je stavljena van snage donošenjem nove Odluke 2016.godine. Agencija je dopisom broj 05-33-167-2/19 od 07.05.2019.godine upućenom Odjeljenju za obrazovanje zatražila da se izvrše neophodne izmjene i usklađenja Samoevaluacionog izvještaja sa važećim propisima.

Dana 24.05.2019.godine Agenciji je dostavljen izmjenjeni Samoevaluacioni izvještaj predmetne ustanove, u skladu sa traženim zahtjevima.

Nakon obimne korespondencije sa Odjeljenjem za obrazovanje u vezi prijedloga stručnjaka za imenovanje komisije stručnjaka i nakon što je utvrđeno da se predloženi članovi Komisije stručnjaka nalaze na utvrđenoj Listi stručnjaka iz člana 48. alineja 3.) Okvirnog zakona, te da je sastav Komisije stručnjaka predložen od strane nadležne obrazovne vlasti Brčko distrikta BiH u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik Bosne i Hercegovine“, broj

www.hea.gov.ba, e-mail:info@hea.gov.ba

100/11 i 26/19) (u daljem tekstu: Odluka o normama), Agencija je imenovala u skladu sa članom 49. alineja 4) Okvirnog zakona Komisiju domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove **Internacionalni univerzitet, Brčko distrikt BiH** Rješenjem Agencije broj 05-33-1-167-25/19 od 30.06.2021. godine, te Rješenjem o izmjeni Rješenja broj 05-33-1-167-28/19 od 06.08.2021.godine i broj 05-33-1-167-35/19 od 18.11.2021.godine.

S obzirom da je Samoevaluacioni izvještaj iz akademske 2017./2018. godine i nije više pružao jasnu sliku o trenutnim kvantitativnim i kvalitativnim indikatorima na visokoškolskoj ustanovi koji bi poslužili za ocjenu ispunjenosti kriterija za akreditaciju visokoškolskih ustanova, Agencija je dana 29.06.2021.godine uputila zahtjev za dostavljanjem ažuriranog Samoevaluacijskog izvještaja Internacionalnog univerziteta, Brčko distrikt BiH. Ažurirani samoevaluacioni izvještaj dostavljen je u Agenciju dana 14.07.2021.godine.

Komisija stručnjaka je nakon obavljene pripreme i ostvarenih uslova za posjetu, realizovala posjetu ustanovi 16. i 17.12.2021.godine.

Dana 24.01.2022.godine Komisija stručnjaka je ovoj Agenciji dostavila Izvještaj o eksternoj evaluaciji visokoškolske ustanove **Internacionalni univerzitet, Brčko distrikt BiH**, radi davanja preporuke o akreditaciji visokoškolske ustanove.

Uvidom u Izvještaj Komisije stručnjaka, utvrđeno je slijedeće:

- formalna cjelovitost Izvještaja;
- da je Izvještaj napisan na jednom od službenih jezika u Bosni i Hercegovini, te
- da je u skladu sa Odlukom o normama i Odlukom o kriterijima za akreditaciju visokoškolskih ustanova u BiH („Službeni glasnik BiH“, broj 96/16).

Komisija za davanje preporuka je nakon individualnog analiziranja dostavljenih Izvještaja Komisije stručnjaka, a u skladu sa zadacima Komisije za davanje preporuka propisanih Instrukcijom o načinu davanja preporuke o akreditaciji visokoškolskih ustanova i studijskih programa i naknadnom izmjenom pomenute Instrukcije (u daljem tekstu: Instrukcija), na sastanku, održanom 27.01.2022.godine, razmijenila stavove i zapažanja, te donijela zaključak kojim predlaže direktoru Agencije da se postupi u skladu sa članom 5. stav 1 Instrukcije, a prema mišljenju Komisije stručnjaka o ishodu akreditacije za visokoškolsku ustanovu **Internacionalni univerzitet, Brčko distrikt BiH**.

U skladu s Odlukom o normama, Komisija stručnjaka je ocjenila ispunjenost deset kriterija za akreditaciju visokoškolske ustanove **Internacionalni univerzitet, Brčko distrikt BiH** opisnim ocjenama, kako slijedi:

- a) Politika osiguranja kvaliteta: *znatno ispunjen*
- b) Izrada i odobravanje programa: *znatno ispunjen*
- c) Učenje, podučavanje i vrednovanje usmjereni na studenta: *znatno ispunjen*
- d) Upis i napredovanje studenata, priznavanje i certificiranje: *potpuno ispunjen*
- e) Nastavno osoblje: *znatno ispunjen*


- f) Resursi za učenje i podrška studentima: *znatno ispunjen*
- g) Upravljanje informacijama: *znatno ispunjen*
- h) Informisanje javnosti: *znatno ispunjen*
- i) Kontinuirano praćenje i periodična revizija programa: *znatno ispunjen*
- j) Periodično vanjsko osiguranje kvaliteta: *potpuno ispunjen*

Komisija stručnjaka je na osnovu ukupne ocjene kvaliteta dala preporuku za akreditaciju **Internacionalnog univerziteta, Brčko distrikt BiH.**

Visokoškolska ustanova bi trebala po prijemu Rešenja o akreditaciji detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvata:

- imenovane odgovorne osobe za pisanje, provođenje i praćenje realizacije Akcionog plana sa jasno definisanim odgovornostima
- vremenski okvir za realizaciju preporuka kao i potrebne finansijske i ljudske resurse
- definisane mjerljive indikatore za praćenje realizacije Akcionog plana.

Uzimajući u obzir sve navedeno, direktor Agencije, na osnovu člana 49. alineja 5) Okvirnog zakona, daje preporuku nadležnoj obrazovnoj vlasti da izda rješenje o akreditaciji visokoškolske ustanove **Internacionalni univerzitet, Brčko distrikt BiH**, te isto dostavi Agenciji radi postupka ocjene usklađenosti Rješenja o akreditaciji s normama i kriterijima iz člana 48., alineja 1) Okvirnog zakona o visokom obrazovanju BiH, a sve u svrhu upisa predmetne visokoškolske ustanove i studijskih programa u Državni registar akreditovanih visokoškolskih ustanova u Bosni i Hercegovini.



Dostaviti:

- Odjeljenje za obrazovanje u Vladi BD BiH
- Internacionalni univerzitet, Brčko distrikt BiH
- ☞ Sektor 05
- a/a